

夢樓詩集

余年未弱冠卽習爲詩然未敢以示人甲戌春至京師時年二十五歲矣與遼東朱子穎桐城姚姬傳論詩心甚愜因各出其所作以相質子穎詩豪宕感激有高達夫李太白之風姬傳深於古文以詩爲餘技然頗能兼杜少陵黃山谷之長二人者與余異趣而相賞特甚遂相與訂交此外仍不敢以示人也通籍後官翰林以詩爲職業人或以爲能然多進御及應試之篇至於抒寫懷抱贈答友生古人所謂緣情之作則依然不敢驟示人也余自臨安解官歸子穎官兩淮運使延姬傳主梅花書院於是三人者復相聚於江淮之間子穎欲刻余詩姬傳欣然爲之序余自取視之頗不敢信故板已鋟而復毀是時余年將五十

矣厥後余訪友於長沙舟行湘水中日夕無事因取舊所作詩刪定之同人及門弟子皆慫余鏤板余不獲已從其請今始竣工是時余年已六十有六矣余嘗謂人之所得於天者其已定者也然必得古人之書以培養之又必得名山大川及世間可喜可怖可愛可惡之事以淬厲之又得良師友相與討論而辨難之而後所得於天者日出而不窮及其發之既盡與始之所得者初無加也然人之得之而不能盡其所發者多矣余之所得於天者有限今年將七十始自覺所發之不可盡焉顧一息尙存正未知所發者之能盡否也以今日之所成就證之少時之所嚮往頗覺未盡然少時之所不能言者今亦或能言之然則余

之所造其將盡於是乎抑猶有待乎今且以余之所就者  
質之當時同好之士當必有從而勗余之未盡者矣乾隆  
六十年歲在乙卯夏五月丹徒王文治自序

丹徒王禹卿先生少則以詩稱於丹徒長入京師則稱於京師負氣好奇欲盡取天下異境以成其文乾隆二十一年翰林侍讀全魁使琉球邀先生同渡海卽欣然往故人相聚涕泣畱先生不聽入海覆其舟幸得救不死乃益自喜曰此天所以成吾詩也爲之益多且奇今集中名海天遊草者是也邇初不解詩嘗漫詠之以自娛而已遇先生於京師顧稱許以爲善後遂與交密居閒蓋無日不相求也一日值天寒晦與先生及遼東朱子穎登城西黑窰厰據地飲酒相對悲歌至暮見者皆怪之其後先生自海外歸以第三人登第進至侍讀出爲臨安府知府赴任過揚州時邇在揚州賦詩別去邇旋仕京師而子穎亦入蜀皆

不得見時有人自西南來者傳兩人滇蜀詩雄傑瑰異如不可測蓋稱其山川云先生在臨安三年竟以吏議鐫級先生遂返丹徒來往於吳越多徜徉之辭久之鴈以病還江南而子穎爲兩淮運使與建書院邀余主之於是與先生別十四年矣而復於揚州相見其聚散若此豈非天耶先生好浮屠道近所得曰進嘗同鴈宿運使院鴈又渡江宿其家食舊堂內共語窮日夜教以屏欲澄心反求本性其言絕善鴈生平未嘗聞諸人也然先生豪縱之氣亦漸衰減不如其少壯然則昔者周歷山水偉麗奇變之篇先生自是將不復作乎鴈旣盡讀先生之詩歎爲古今所不易有子穎俾人抄之爲十幾卷曰食舊堂集將雕板傳諸

人而鼎爲之序乾隆四十二年五月十八日桐城姚鼐撰

袁簡齋前輩書

夢樓先生閣下枚於十八日感冒風寒寒熱大作不眠不食者三日矣忽佩香女弟子至得接手書讀之如清風徐來沉疴漸釋靜養七日竟得霍然太奇大奇病中謝客轉得細繹公詩方知功夫之深純精神之綿密細筋入骨高唱凌雲能兼此二者當代能有幾人哉然如先生此集能贊此二語者當代又有幾人哉枚六十餘年甘苦深嘗故有此肺腑語非世上礪才豪舉之士所能領略者也尙恨暮景頽光不能省識公詩再勉而進之耳且服且慚奈何奈何因佩香回鎮之便修札致謝枚力疾再拜

陳東浦同年書



夢樓居士同年閣下前者道履暫臨白下復得暢領緒言  
袁老素不談禪亦爲感動錢君頗兼慕道特與提撕弟以  
鈍根叅錯其間或偶證本心或創聞妙理皆樂不可言先  
生去而弟與俗爲搆來教云盛德在躬則氣類感召其先  
生自謂矣今受大集而誦之恍然爲視穆然而望古人非  
近時之詩也譬如禪其有實智者耶非狡獪神通吾又安  
得而量之閻媛詩弟未嘗多見若聽秋軒者乃有師承故  
其詞妥帖而氣清蒼殆非女子也課女岡原唱果如大評  
不著一字盡得風流似諸公作未必多有以加之弟之固  
陋更何從下筆然當勉應台教耳謹此申復不宣年愚弟  
陳奉茲頓首上

曾賓谷都轉書

夢樓先生前輩閣下煥少喜吟詠苦乏師承又以奔走簿書未能肆力於學乃近年得親大雅屢有唱酬謬叨宏獎以爲有造煥駭汗僵走蓋不待言然嘗以所得於中者進質之先生與先生頗有合也記前日高軒過敝齋論詩煥謂詩家體格詞意最要大方而以清氣行之古之名公無不如此此不能學然後逃而入於險僻務於小巧以悅庸流之耳目遂以此得名其有從事大方家者或反厭而輕之其實千秋論定如涇渭立判也微獨後世卽當時得名者之心安知不有小喜小慙大喜大慙者乎先生聞之以爲實獲其心因指柱間聯句曰向高處立揀平處坐尋寬

處走此三者持身之要道卽詩家之正宗又曰我嘗謂袁  
簡齋先生詩是奇才吳蘭雪詩是豔才足下之詩則清才  
也燠聆斯言惶愧無地夫袁吳二公之爲奇才豔才誠不  
謬矣若清才殆先生自道也前者承賜大集燠受而讀之  
竊見先生之詩真得乾坤之清氣偶賦一物咏一事無不  
出以大方庶幾乎可醫險僻小巧之病如燠之荒陋寧能  
有當先生不以爲門外漢而棄之幸矣乙卯長至後二日  
燠再拜

姚姬傳比部書

鼐頓首今歲兩次奉書欲求大集不知去冬已承見賜昨日下午乃併手書接到急展讀之覺其情深意厚使人魂銷氣盡往復不能自己雖鼐接待最久讀時用心較他人不同然此要卽是先生獨得古人作詩本旨超出凡衆處亦卽是先生能變情種爲大悲以纏綿爲般若處也東浦方伯見語云夢樓勸人學佛意思懇摯如其身事最不可及此理吾更通之以論詩竊以爲獨得妙解是耶非耶其間應酬之作未免存之過多然亦是鼐一人之見鼐不能作大家卽更不許他人以大家自待不欲其金玉與砂石俱存斥鷃之論不當以較鵬鯢耳笑笑

又一書

前日一書係駱氏家人取去不知達否連日與東浦勘堂  
評論大集以爲遠過時流必傳無疑此是平心覈論毫無  
標榜之意後生聞者亦頗以爲允而佳處尤在快雨無餘  
諸集中是竊作序之後反覺序所云不如少壯之論爲未  
當耳何時更見馳仰不具

王西莊前輩書

昨承見惠大刻向來雖相好多年竟未及捧讀全稿及今  
拜觀之下乃覺逸氣橫空不可羈勒古懷壯思獨往獨來  
不勝欽異嗟慕俛首佩服之至大抵吾兄深於禪故其詩  
如雲霞之卷舒出入於太虛中不見其起止亦難定其收  
放使人無從捉摸蓬萊圓嶠五城十二樓宏麗已極而舟  
不能至惟望見之焉斯亦可云奇絕矣臨穎依馳可任翹  
仰

夢樓詩集目錄

卷一

放下齋初存藁

古今體詩一百四首

卷二

海天遊草

古今體詩六十五首

卷三

揚州集

古今體詩四十九首

漱六山房集

古今體詩十九首

卷四

丁香館上集

古體詩十首

卷五

丁香館中集

古今體詩五十二首

卷六

丁香館下集

古今體詩八十首

卷七

南詔初集

古今體詩六十七首

卷八

南詔二集

古今體詩六十首

卷九

南詔三集

古今體詩八十一首

卷十

歸人集

古今體詩六十三首



卷十一

柿葉山房集

古今體詩一百三首

卷十二

西湖長集

古今體詩一百首

卷十三

洮河集

古今體詩六十六首

卷十四

快雨堂集

古今體詩一百十三首

卷十五

無餘閣集上

古今體詩九十五首

卷十六

無餘閣集下

古今體詩九十七首

卷十七

楚遊草

古今體詩四十七首

卷十八

小止觀齋集

古今體詩七十二首

卷十九

後楚遊草

古今體詩八十六首

卷二十

小止觀齋二集

古今體詩九十九首

卷二十一

小止觀齋三集

古今體詩八十四首

卷二十二

楚遊三草

古今體詩八十九首

卷二十三

江介沿緣集

古今體詩九十五首

卷二十四

乙卯集

古今體詩九十二首

夢樓詩集目錄終

夢樓詩集目錄

三

夢樓詩集卷一

丹徒王文治禹卿

放下齋初存藁

余弱冠時取趙州放下之語名其齋時初學爲詩亦  
初學坐禪伏處荒江罕所質証癸酉歲以選貢入京  
獲與丹陽彭澧晉函遼海朱孝純子頴桐城姚鼐姬  
傳定交各出詩文互相討論晉函齒倍於余多所刪  
正今所存者十之二三從晉函定本居多命曰放下  
齋初存稿古今體詩一百四首

春耕圖

和風被四野原隰千里平微雨夜來歇布穀催春耕農人  
理耜晨起露華明隴上負鋤侶水邊驅犢聲入春纔幾

時春草亦已生  
靄靄楊柳村  
喈喈鳴鵲鵲  
四體苟不勤  
百室何由盈  
稼穡誠艱難  
王業以此成  
緬想幽風圖  
遐哉忠愛情

雜詩二十首

萬物各有願  
吾生豈無心  
所悲託根淺  
隱忍遂至今  
高原無醜枝  
卑隰無嘉陰  
起視中夜月  
皓皓秋山岑  
商飈被草木  
入耳淒以森  
引領念終古  
行行方滯淫

四海復四海  
九州還九州  
亦復戀嗜欲  
亦復銜恩讎  
當其馳驚時  
爭執誰肯休  
但從事外觀  
不直一浮漚  
童叟讀史傳  
卽今已再週  
區區數千年  
一泓逝水流

滔滔江夏水  
渺渺長干路  
楊柳沿堤生  
估帆此中去  
行子

懷利涉居人理紈素春華亦已零秋草亦已暮望望音書  
達空房下蟾兔

唐堯文思世洪波沒陵谷湯網三面開焦灼無草木爾時  
諸遺黎俯仰傷局促聖哲豈無心天運難可復遙遙藐姑  
山主者顏如玉車蓋唯雲霓衣綵非紈縠不虞飲露人偏  
令年穀熟

囚臣小管仲匹夫老呂望鷹揚牧野間虎視葵邱上區區  
仁義名竊之互矜尙遂令儒冠徒紛爭霸與王寂寞桐廬  
汪釣絲輕風颺偶然足加腹天星爲搖蕩古今有此人始  
覺天地曠

子房報韓讎一椎天地動潛身圮橋邊進履心猶悚出爲

帝者師借箸抒智勇談笑定三秦車書成一統忽然慕仙  
游碎穀謝榮寵雲中赤松子招手向蓬萊瑤宮爲君建琪  
花爲君栽功成身合退隨吾歸去來

春來桃花樹開滿武陵溪花飛逐春浪流作紫香泥有客  
隨漁郎乘興偶來此豈惟置田園居然長孫子峽中空淥  
水門外隔紅塵此景自堪戀何曾爲避秦

與君不相見倏已成千年今朝一握手乃在落花前落花  
任風飄白雲隨水散迢迢牽牛星依然阻河漢

少年慕遊俠骯髒風塵間遇酒必沈醉逢人傾肺肝去年  
客秦隴前歲游邯鄲結交半天下知心良獨難歸來坐一  
室中夜空長歎

深閨有靜女端居愛多暇摹書零露晨穿鍼明月夜一朝  
媒氏來高門締姻婭良人佩金龜侍妾奉玉笋雲鬟擁珠  
翠織衣馥蘭麝動則笙歌隨行必香車逐繁華豈不盛盛  
年恐難借由來人間樂聚蝨何足詫不如爲處子盡日紅  
窗下

邵平本通侯青門學種瓜買臣負薪人腰盤太守綢窮達  
雖由天亦復關志願矯情慕高名簞食見諸面山嶽良可  
移性情不可變

廉頗思用趙樂毅不忘燕遊子悲舊鄉烈士慙故恩失路  
邁疑患崎嶇忠愛存撫劒眺原野壯心安可論傷哉楚三  
閭緣澤吟芳蘭懷貞赴流水棄置何足言



梧桐生高岡孫枝何青青伯牙愛逸響采之微瓊英三年  
操縵苦得貌遺其精褻糧復刺船詎惜窮杳冥大海揚洪  
波先生移我情

巫山高不極哀猿叫楓林高堂肅虛館玉宇森晝陰靈旗  
逼象緯仙珮鏘璆琳雲衣何飄揚舉袂青霞侵荆王駐翠  
輦玉貌良可欽惜哉艷日姿暮雨成荒淫

昔我愛遠遊仗劍走千里崎嶇歷川谷倉皇閱城市白日  
忽西沈驚飈颯然起途窮欲安歸茫茫對江水

馬卿遊臨邛車騎一何都入貲以爲郎棄之著子虛文君  
初嫁日睂山應畫圖彈琴一相對春風入文疏設不逢楊  
意終身臥酒壚

人生貴遊仙謂可遂頽放若更受官職何不居塵埃曼倩滑稽徒萬乘同跌宕雖然任執戟意在層霄上陶君太解事車駕頻來訪緲緲白雲間冠蓋道相望寧爲金門隱不作山中相

叔孫習禮法緜葛延魯儒高冠戴章甫深衣曳長裾自謂本經術尺寸不可踰荆卿乃酒人劉毅乃博徒朱亥不得意混跡鼓刀屠一椎椎晉鄙快哉烈丈夫

仙女杜蘭香乘鸞吹玉笙一朝嫁張碩紅窗語私情天邊風露遠人間恩愛生不知是何年方能歸玉京

麻姑好女子被服皆雲霞散髮垂至腰一半隨風斜姑年故幼小愛將狡獪誇含笑索粒米擲地成丹砂方平乃老

仙羽衛如大將超塵八萬劫位在羣真上行厨何翩翩麟  
脯芳且鮮天上一尊酒人間五百年

上邪

上邪我欲與君相知相知非尋常綢繆無盡時君意我所  
樂我懷君所期何曾隔爾我亘古無別離天地歇海水爲  
竭與君無改移竊恐天帝不能證此事唯我與爾心知之

枯魚過河泣

白龍魚服困於鰕蟹鷄披隼翼百鳥驚駭枯魚枯魚勸爾  
勿悲爾弗脫淵網罟奚爲

結襪子

出門西望欲從軍長劒橫腰氣拂雲熱血滿懷無灑處十

年空慕信陵君

獨漉篇

獨漉獨漉行人不于水行益深泥行益濁嗷嗷征鴈宿於  
河干射鴈者誰箭落星寒黃葉撼撼似其人語秋雲孤飛  
欲投何所錦書懷袖別來幾春明月入戶如覩故人空房  
深夜羅幃自驚密林猛虎颯颯風生雄劍出鞘其光射天  
神鷹一擊矯翼雲間

塞下曲二首

內殿承恩西出師班師正及薦櫻時桃花赤似將軍馬楊  
柳青如都尉旗

玉門春盡雪花飛遙見依依柳色微青山影裏紅旗過十

萬征人奏凱歸

有所思

有所思乃在碧海之曲青雲之西非關迢遞窮遠道竊恐  
大塊以內不能稱我夙昔之襟期少年意氣託江海天涯  
謂有知音在十年南北走風塵結交傾盡金壺春其中豈  
無二三賢達者總非吾心願見之一人東風兮東風吾願  
隨爾往來上下於一氣之中所思儻可旦暮遇相將白雲  
跨彩虹

遠別離

遠別離古來乃有后羿之妻竊取羿弓射九日遂服不死  
之藥辭深閨織衣直入廣寒住飛行不用雲爲梯玉殿瑤

宮幾千載朝墮蒼烟暮還在  
逞嬋娟於萬里之清輝表獨  
立於一泓之小海孤眠孤起  
無與偕弗御鉛華御青靄吾  
欲把酒一問之問此一別歸  
何時人間浩劫屢更易卿在  
月宮知不知

上雲樂

扶桑之東朝日所出爰有蠻臣  
西向來謁脩髯飄揚短髮  
縮瑟豐頤台背饒有風骨云  
是百年之內海不波歲無疵  
癘四氣和中國聖人福履多  
重譯底貢土物羅屐雙膝兮  
搓兩手粗學中華拜稽首孔  
雀是蠻臣家雞馴象是蠻臣  
家狗供玉島之奇葩酌金花  
之美酒夷歌呶啞不盡解總  
爲聖人祝曼壽北斗迴西山  
高聖人壽算不可量蠻臣萬

萬年歲恭獻度索所產之仙桃

登高邱而望遠海

登高邱而望遠海海水不可見但見茫茫一氣連蒼靄太  
古仙人招我遊直到白雲天盡頭東方之日欲上猶未上  
跳丸出沒當中流其旁雲氣蒸作五采之綺縠一時盡向  
洪濤浮少焉日出青天淨海水無風碧如鏡行到中天日  
更遲宛如秋橘屏風釘世上萬事空漫漫變滅只在斯須  
間見說驚波勝雷電忽爾冲融窈窕純浸山此景分明在  
睂睫誰立羣峰高處看

君馬黃

君馬黃我馬元君馬紫燕駿我馬汗血鮮兩馬相逢嘶不

已鸞驚龍翥如相憐銀鞵玉勒長安道並驅不肯相後先  
吁嗟乎物類引重且如此何況賢豪感知己

### 蒿里

北邙山下誰氏子蒿里生存華屋歿埋此蒿里恐是當時  
貴盛人蒿里拖玉腰金衣朱紫蒿里才智通神天可回蒿  
里勢焰熏人山可徙蒿里人生自古誰無死蒿里貴賤賢  
愚同一軌蒿里繁華倏忽逐虛空蒿里恩愛從今付流水  
蒿里勸君送葬不須悲蒿里聞道庶幾其可耳蒿里

### 陌上桑

曉日秦家女春風陌上桑朱樓臨廣路綠葉暗微行縱是  
使君貴寧如夫婿良請看紅蓮沼不宿野鴛鴦



羽林郎

萬樹接垂楊翩翩俠少塲青春芳草陌白馬紫遊韁細雨  
隨花落隨風送酒香當壚年十五相見恐迴腸

長干行二首

長干復長干愁郎行路難簾前花落盡春色不會看  
窗外將殘月窗中欲燼燈憶郎前月信今夜下巴陵

古意

紈扇綃衣奉至尊歸來煙柳鎖宮門三千粉黛難防妒一  
代紅顏莫保恩洛女迴時空有枕明妃去後已無村何如  
十五盧家婦春水鴛鴦曉夜溫

古決絕詞二首

宛頸兩鴛鴦飛飛曲岸旁自言雙比翼誰道各分張君攬  
天邊雲妾拾海底月同居而異心對面有秦越青春被園  
林千花向曉發常恐秋風吹枝枝白糾結鵲鵲鳴涼鴈芳  
馨日衰歇暮雨楚天寒江深不可涉相望勞肝腸何不便  
相絕

海水深浩浩安可升斗量共君結同心當與日月長日月  
有盈虧人事多反覆黃河能覆舟太行能摧轂旣感篋中  
扇復吟池上蒲當時金屋月照此長門孤初心願決絕良  
久復踟躕還君玳瑁簪見之淚成珠

迴腸

一迴嬌盼一迴腸無力春風倚玉牀鸚鵡聰明初學語梅

花清瘦未成粧臉波紅暈春江曉  
眉黛秋橫碧岫長自恨身輕輪白燕等閒飛得上  
鈿梁

蕭爽閣晤心洲上人兼送黃月波之眞州

禪房人跡少清磬出幡幢楓落新紅樹  
蕉殘舊綠窗雨昏舟泊岸天遠鴈橫江  
爲惜明朝別深杯話夜缸

由北固山循江濱訪月波詩屋

蕭瑟江干路新寒上客衣秋風牧馬地  
落日釣魚磯北固橫青靄西津擁翠微  
故人詩屋在臨水叩柴扉

蕭爽閣坐月

海天萬里此憑闌丈室燈微滴漏殘  
雲起忽乘春樹斷樓空不盡暮江寒  
久憐伏枕連巾舄可信飛僊有羽翰  
夜半

誰家歌水調拂衣眞欲問漁竿

送宋九鵬占之袁浦

江湖誰不感離羣無那星光聚復分袖裏魚書還錦字匣  
中龍劍已苔紋三秋別浦懸明月千里浮淮有暮雲休向  
尊前吹玉笛陽關悽斷不堪聞

劉伶臺

晉賢喜曠達沈湎未知返今日酌荒邱西風稻花晚

枚里

鴈飛浦上雲鴉掠湖上水滿地夕陽多知是枚臯里

趙嘏樓

淮浦千株柳臨風十里春月明何處笛不見倚樓人

淮陰郭外同宋九晚步

積雪明頽岸清流遶舊城  
籬閒村犬睡客過晚鴉驚  
雲際懷鄉國天涯重友生  
寒原貪佇立歸路少人行

古松爲風雨所拔

黃鶴山頭老松樹鐵柯石  
榦飽風露寒姿崛強逞孤  
直勁氣盤拏故廻互童童  
偃蓋參青天古老相傳六  
代前山前戴頂隱君宅山  
後寄奴王者泉滄桑陵谷  
無窮已六代功名隨逝水  
蕭統樓空蝙蝠飛佛狸祠  
壤神鴉起郊原突兀南山  
高高松無恙干雲霄陰崖  
冉冉蔭數畝樛枝謾謾驅  
波濤靈霖汎湓苦靡息叫  
窰空山神鬼急雷師風伯  
猛鬪爭蒼昊精靈惜不得  
元氣剗剗霜雪根荆棘摧  
頽龍虎骨

柴關反閉樵歌聞禾黍蕭條映寒日銅臺金谷土一邱古  
來興廢如浮漚上方傍晚魚鐘歇山下長江晝夜流

中秋對月懷友人遊西湖

秋氣千山肅清光萬里分濕花初有露近月總無雲此夜  
詎常好臨風方憶君六橋燈火裏湖水白紛紛

寄唐井元

君家洞庭七十有二峰翠微直上盤虛空垂藤窈窕俯空  
碧五湖一片波溶溶君才清映五湖水瓊柯亭亭出塵滓  
乍別吳宮兒女鄉來尋淮浦英雄里英雄兒女更何論年  
少羈棲總斷魂西子屨廊芳草合韓侯釣渚白波昏憶余  
淮浦歸江村三年風雨常閉門門外蕭條寄奴井祇今日

長青苔痕吳中秋氣正蕭爽尊羹入饌晚可殮聞君旦暮  
理烟棹孤帆迅剪江流奔江上家家京口酒好纔扁舟傍  
楊柳叩門就我傾一斗他日天涯重廻首

江上懷宋九

莫倚江樓望憑高觸遠愁夕陽兼楚盡春水入淮流

攬秀山房對雪送邱玉卿北上

天寒雪擁大江陰惆悵臨風欲罷琴有客鳴鞭都下去何  
人擊節郢中吟夜殘燈穗含離思春到梅花見故心傳語  
斑騅莫馳驟錯刀錦段易沾襟

八公洞晨起

晨興步山麓零露濕衣裳沿徑野花碧到門流水香草痕

知鹿跡樹杪見僧房鐘梵泠泠遠因之悟坐忘

上巳日同人修禊浮玉山亭有懷李四琴夫

天桃三月紅雨飛水邊修禊春風微采蘭仕女青玉珮折  
花郎君白袷衣接天草色日將夕滿路鶯啼人未歸記得  
去年山酒熟一樓明月吟芳菲

南郊同黃月波作

春陰靄層雲閑門晝常閉朝晴眾鳥喧故人亦云至握手  
出南郭郊原豁無際石橋流水滑綠篠柔風細人喧識村  
落山靜對古寺草木雖未繁濛濛有新意倦來坐松根松  
籟送餘吹各言事所欣不知日西墜

遊顧龍山



偶然慕邱壑出郭遵溪隩行行不知遠遂以窮山谷山色  
荒逾秀水容寒更淥高松墮殘雪東雨灑幽竹古殿閉苔  
深孤塔畱雲宿日暮紅霞起晴光泛波縠漁舟天末歸鳬  
鷺相與逐悵悵羈旅人懷古傷幽獨

戴叔倫墓

長蕩湖頭水西禪寺外邨野花濺客淚香草葬詩魂風急  
雲無色天寒沙有痕樵歌與漁唱終古送黃昏

城南晚步

最愛城南路無人自往還孤舟殘雪岸獨樹夕陽山黃竹  
圍池館紅橋臥水關戴公招隱處幽絕未能攀

秋日登北固山

畫角聲高牧馬迴西風落日此徘徊沈戈難認孫劉蹟載  
筆猶傳顏謝才江帶雉城千舸艦磯盤鳥道萬樓臺東流  
一片蒼茫意欲向空門問劫灰

忽忽

忽忽少年去悠悠萬事慵夢殘孤枕月霜到五更鐘腰豈  
吟詩瘦愁緣被酒濃江深不可涉誰與采芙蓉

東禪寺

微聽松風響而無鐘磬音禪房僧未起初日上東林

西禪寺

迢迢雙樹影獨占夕陽多更欲尋幽境牛羊下晚坡

淨土寺

鐘梵出林杪蒼蒼一徑幽水邊淨土寺竹裏夕陽樓

八公洞納涼

白雲生古洞赤日隔林邱松籟千山雨泉聲一壑秋茗香  
閒自酌花落坐還流他日誅茆處支公爲我畱

月夜同秦星門登月華山寄宋九

勾吳亭畔宿烟銷殘漏登山興轉饒滿地霜華人寂寂誰  
家燈火夜迢迢大江城郭陵三楚明月樓臺自六朝極目  
雲天重悵悵頻年牋素故人遙

野望

平原白日盡隔岫生烟霧陣陣暮鴉歸前村有深樹

揚州蓮性寺同殷石琴黃月波訪劉南廬不值

隋家臺殿已邱墟，尚有高人此著書。  
鐘外斜陽含堦現，烟中白露老芙蕖。  
僧歸落葉平湖晚，門閉空山古木疎。  
傷往懷人何限意，紅橋回首重躊躇。

秦淮水榭雨集同彭賁園二首

向晚秦淮雨蕭蕭，竹樹中憑軒一長嘯。  
滿檻落清風，白舫常爲客清樽。  
此暫同秋心，良易感砌下已鳴蟲。

坐久雨聲歇，高樓返照初。  
移尊當樹密，展簾就窗虛。  
歌管繁華盡，江湖禮法疎。  
東山謝安石，高臥近何如。

烏衣巷

南朝宮殿半斜暉，王謝風流轉眼非。  
已分經秋淹白下，那堪向晚弔烏衣。  
滿塘野草盡初亂，一樹垂楊燕不歸。  
莫擬

更尋江令宅青溪溪畔雨霏霏

守風登燕子磯

江口維舟黯夕陰曉晴蠟屐且登臨日光雲亂石城遠王  
氣烟銷鍾阜深鐵鎖樓船俱往跡西風秋草動歸心晚來  
解纜中流去擊楫聊爲慷慨吟

送張秋渚赴滇南總鎮幕

貔貅夜發角弓鳴萬里牂牁赴使旌幕府有人能說劍滇  
池無事正休兵碧雞金馬雲猶濕楚火吳天望欲平報與  
元瑜善從事高堂應爲數歸程

潘曉樓人日招飲北固山下

北固孤峰聳碧天閒居潘令愛周旋雲銜晚日穿林外雪

擁晴山落檻前人事飄零違舊雨江春蕉萃入新年酒酣  
倚劒重吟望此地興衰倍可憐

題贈趙桐門道士

桐門道士煢霞人致虛抱一還其真有時獨臥松頂月無  
事其醉江頭春白雲半天鶴不下滄波萬里鷗難馴便欲  
從君問大藥駐顏浩蕩遊無垠

爲趙桐門題畫

句曲之山仙所都金宮石室藏奧區青霞時與樹杪接白  
鹿直向窗前趨趙公靜者黃冠徒早有嬰姪安鼎鑪丹成  
不歸上清去遊戲且讀人間書通靈妙畫常在手清遠頗  
似地肺圖洞泉複沓林蒼蔚閱之心地生沖虛幽事關人

本結習世網累我還飢驅願借圖中好山水相與攘剔安  
茅廬

焦山別宋九

龍濤侵洞月侵階把酒須教放客懷明日海門春漲發一  
時送不到清淮

賦得江上梅花畱別同社諸子

誰向離亭唱路難梅花消息已衝寒夢醒山館人初散笛  
歇江樓雨未殘十月關河無過鴈一天風雪有征鞍回頭  
寄謝江南使馬上逢春不忍看

瓜洲逢鮑步江

故人蕪城下經年苦羈旅我行亦匆匆未能致片語長揖

就征途斜陽下瓜渚

春帆詞畱別二首

河梁別淚落青衫懷袖長畱錦字函寄與故人休送遠春風春雨滿春帆

春帆一片大江西鐵甕城頭日欲低此去長安若回首江南何處不鶯啼

甓湖曉望

甓社春林曉秦郵輟櫂時高臺才子地殘月女郎祠湖水連雲氣漁歌和竹枝卻看天盡處沙影泛鷗鷀

次黃河

朝渡黃河亦暮宿黃河月客路苦稽遲五日未能發黃茅



卷風颭白坂積霜雪彌望曠原隰遊目少林樾多病鄉思  
深依人生計拙平生遠遊志茲夕肝腸折念彼棲遁人慨  
焉慕高潔

易水懷古

當時車騎出燕關易水蕭蕭白日寒任俠何知生死重慚  
恩反覺去畱難筑於市上和愁擊劍向燈前對酒看欲訪  
荆卿今不見白憐青鬢客長安

病

客心千里外病體一春餘曹植塵凝榭潘仁草滿廬凌晨  
親檢藥落日臥攤書寂寞門前轍朝來覺更疎

題墨梅

墨梅略似大蘇詩竹外蕭蕭露一枝彷彿紙窗香未退江  
南歸夢欲醒時

逆旅匆匆過早春見梅若個不傷神去年風雪江頭路手  
拗寒香送遠人

酌突泉

誰能鑿地脉竅穴滄海根卻疑三淵泉乃通星宿源驚湍  
一紆鬱伏流怒倒奔颺如碎玉斗砉若傾銀盆跳珠濺衣  
袖灑沫飛層軒餘流亂玦環激宕鳴潺湲歷下松杉多日  
夕風濤翻謾謾含勁氣贈答如簾塤過客探奇秀凭闌朝  
至昏風水互噴薄入耳不覺喧安得此坐臥彌年滌塵煩  
遊歷下古亭晚泛大明湖二首

唐賢題句處我輩此還經落日感遺堞秋風上古亭荷香  
隨酒遠山意入城青莫唱陽關曲江湖有客星

晚涼被酒後初月放舟時人在蘆中語歌從水上遲江山  
雄海右談笑慰天涯百罰休辭醉清輝滿玉卮

再遊

一夜湖光載滿舟重攜歌舞碧巖幽雲開直映華不曉山  
斷遙分泰岱秋豪竹哀絲當落日遠天衰草送登樓深杯  
傾蓋勞頻勸無那相如早倦遊

歷下別張正其

涼秋並馬出燕關張翰菰蘆未擬還東海風高排遠嶂南  
天雲盡有家山傷離莫問舟車瘁謀隱終耽竹樹閒向晚

不堪明月上樓頭樂府唱刀環

途中懷殷石琴兼索黃月波心潭上人

春夜廣陵酒秋暮江城月兩度展讌遊未能酬契濶孤舟  
涉大河落日在疎櫂顧瞻少儔侶相思變鬢髮想像江亭  
暖芳草應未歇攬衣溯南風欲採故山蕨

友人新搆小軒索題三首

愛君古城隈小搆半間屋屋裏有異書無人自開讀  
傷舍水一曲當門柳數株空林人語響日暮下樵蘇  
秋稻供春釀時時喚客嘗昨夜新醅熟鄰家聞酒香

蓮華寺訪蔣春農舍人

何事安禪地獨居經幾年香聞白蓮寺人在紫薇天下直

僧猶定敲門犬尙眠鄭家書帶草庭下暮芊芊

歲暮四首

歲暮遠遊客端居意若何野霜霑草重高樹撼風多此地  
盛冠蓋頻年負薜蘿誰憐湖海氣羈旅未消磨

荆卿中酒後樂毅上書時慷慨無流輩艱難報主知風濤  
易水遠煙樹薊門滋攬古成蕭瑟吾生真後期

落實我園叟

彭晉

文章近代稀相逢常袞袞小別卽依依

說劍鬚眉壯抽毫氣息微虛名身後事臨酒一歔歔

故園邈雲外城郭映清虛土潤田宜稻江深市有魚鴈邊  
橫北固樹裏見南徐何日眞歸去椎牛餉里閭

病中呈葉書山先生

臥病京華春白晝苦沈寐一日雨存問厚意令人媿先生  
藝林傑時輩無由企墳典詣宏深風雅剖真僞叩門求夜  
話今古助崇議往往達深更童子觸屏睡項詩誦不休雄  
文薦方亟竭來撏二豎接待莫能遂東風吹繩牀樵蘇晨  
未備肉食餉羸瘵藥餌起顚顚憐才思古人伏枕發長喟  
放歌行贈彭晉雨

九歲不識字梨栗縱遊戲十歲能賦詩開口眾驚異十三  
通經術十五成文章二十爲任俠凌霄意氣何昂藏頭上  
難冠切雲立腰間龍劍倚天長縱博甘爲彥道詐揮盃不  
讓次公狂口折羣儒如炙輶力排壯士似驅羊破產報讎  
拯危難掉臂無端邈雲漢未容豪貴繆恭敬况受小兒閒

調玩坐此蹉跎歷歲年滄浪蓬鬢真可憐空有聲名驚海  
內竟無金玉買良田燕京相遇對牀宿卻話平生淚相續  
齊門有客盡吹竽易水何人能撫筑老驥雖伏櫪蕭蕭仰  
天嘶松柏值歲暮蒼蒼無改移千仞岡頭振衣立一喝青  
天成霹靂只今誰是信陵君少年肝膽猶堪瀝

病起貽姚姬傳

杜門臥高閣養病下重帷起看草木長始覺春光移眷言  
素心友幾日音塵違未能快談讌何以展恩私在昔賢達  
人聚散恆無期譬彼風中萍倏忽成乖離念茲愴懷抱出  
戶披我衣急欲一相就風飈侵人肌浮雲起天末對之增  
遲回思君蕙蘭質誦君冰雪詩

夢樓詩集卷一終

夢樓詩集卷一終



夢樓詩集卷二

丹徒王文治禹卿

海天遊草

乙亥之冬琉球國王尙穆表請冊封使臣奎魁斗

南聘余偕行余遽諾之京中諸知交以重瀛路險勸  
阻甚力余時性頗好奇必欲一觀於海以拓其胸臆  
遂違眾議而往既歸得海天遊草二卷今刪併爲一  
卷古今體詩六十五首

將往琉球畱別諸同學

平生滄海心十載困羈縲京華縑素衣策蹇行蹢躅  
臨思遠遊煩渴成內熱何當懷抱寬暫使樊籠脫琉球東海  
東世界隔潮汐重譯求分符亦足美皇業浮查使者星

風昔故相識茲行偶然遂聊用竊溟渤洪濤割陰陽中流  
雲漢沒寒風吹天空白日大魚出驚險絕比倫心胸庶開  
豁丈夫不得志湖海隨播越野鷗萬里波生事那可說觚  
稜下殘暉驅馬離魏闕經過故閭里重覩舊林樾親朋欣  
我至壺榼自提挈颿挂浮玉風屐穿黃鶴雪十日累千觴  
流連不知歇歡會無常期愴焉念離別夜寒江月落雞鳴  
催曉發

丹陽口號

春潮未滿客行遲花墮清波鷺不知一局殘棋簾乍卷丹  
陽城外雨如絲

丹陽懷彭晉函

都下分襟又隔年，經過梓里一凄然。  
孤鴻去國跡無定，老鶴向人鳴可憐。  
荒草夜聽江岸雨，綠楊春浸練湖天。  
此行何處遙音問，滄海茫茫萬里煙。

宿毘陵驛

日暮泊舟處，蒼蒼煙樹滋。  
臨河樓上下，數里竹參差。  
白雨春申浦，青苔季子祠。  
蘭陵故鄉酒，偏是惹離思。

雨中望九龍山

虛舟信風潮，逶迤遵山路。  
開窗納蒼翠，自晨逮將暮。  
峰隨峭颿轉，日與層巒遇。  
雲歸鳥飛外，雨歇人烟處。  
何必窮登頓，賞心得沿溯。  
清暉適我新，邱壑逢余故。  
請具五湖糧，散髮從茲去。

眞娘墓

武邱山畔石參差不見生公講法時  
一夜眞娘墳下雨桃花落盡土花滋

煙雨樓

西水驛前春水流小桃花下繫蘭舟  
月明故國一千里獨上嘉興煙雨樓

杭州十首

十載杭州夢今朝白舫過山村依竹木  
城郭帶煙蘿地有江湖勝人經興廢多  
吳山高處望殘口接蒼波聞道雲林寺  
飛來向鷺峰頰霞崖欲墜花雨路常封  
峻嶺盤飢鶻幽泉蟄青龍蕭蕭松徑外  
獨聽上方鐘

西湖一鏡明樓閣映泓渟蘭槩迎花泊菱歌隔雨聽晚波  
魚尾赤春岫佛頭青客子貪遊讌連宵醉不醒

我來三月暮未覩曲江潮日晏臨官渡天風正寂寥亂帆  
春雨重隔水暮山遙海氣連空岸黿鼉跡未消

陌上看花女猶歌緩緩歸江山英略盡宮殿昔人非白草  
春澆酒青松晝掩扉表忠碑版在一半長苔衣

初經天竺寺滿磧落松花更上韜光頂簷簷万个斜土風  
隨處異景物望中賒僧院晴燒笋人家午焙茶

到處尋幽勝倦依獨樹根漁舟歸浦激桑柘散雞豚幾載  
民憂勞雙峰雨又昏關心課豐歉偶與老農言

鄂王埋碧血大樹撼長風冤獄畱三字邊塵沒兩宮前朝

仍北狩復辟賴于公亦被青蠅搆孤臣飲恨同

愛酒白居易能詩蘇子瞻風流兩太守俱此駐帷檐開濬

成勞在遨遊勝事兼六橋煙樹裏映水出紅檐

春老梅花盡孤山古月孤千秋高士跡十里夕陽湖雲外

迷歸鶴門前聚野鳬誅茅吾有願願此傍菰蘆

周亦韓晨告昆仲招同全侍講暨諸同學遊西湖

湧金門外朝光瞰上湖下湖平漲痕籃輿侵曉出城府瓜

皮小艇攜金尊周郎地主稱好事季難爲季昆難昆斫魚

鬪筍親治饌山家風味簡樸存翰林先生更侖儻擯斥騶

從揮華軒推窗脫帽自行酒指點山色尋頻掀一時座客

盡豪翰廋詞謔語成清言南屏一隅綠碧岫獅踞象伏虎

豹蹲舍舟登陸造幽峻各逞足力攀雲根披荆撥草互騁  
逐輕捷不數猱與猿興餘散步蘇公隄隄直若弦庶草蕃  
眾言此地便較射繡棚花下懸旗旂村莊婦女罕見此闕  
臂來看羣兒喧雲輕風疾官箚勁一發已報楊葉翻揮鞭  
大笑覓歸路夕陽春水臨黃昏人生此景難數遇上馬擁  
鼻吟蘭蓀回頭卻望遊覽處瞥眼已被煙光吞

錢塘江口號

春雲漠漠石斑斑出入朝霞晚翠間好是連朝風水逆教  
人看煞會稽山

嚴子陵釣臺

無處問高躅空江一釣竿須知天子意也作故人看嵐氣

秋連水潮聲夜上灘雲臺羣宿外落落客星寒

七里瀨聞子規

七里嚴陵瀨千山列畫屏急湍安水碓亂石著茅亭岸壤  
颺颺竄巖深草木馨杜鵑聲最苦誰遣客中聽

度仙霞嶺

閩越富山水嵐靄帶州郡高嶺扼要害細徑盤百轉千峯  
疑無路虧蔽纔纒引乍暎山花香新霽洞雲潤衣敎蘅杜  
染屐遺莓苔印上攀初忘險下視始知峻絕頂搆傑閣枝  
柱青旻近新薪僧兩三見客閒閒訊靈竈浣霞池跌坐范  
英襯清泉激怪石遠雜風篁韻迴向不住心始覺流年迅  
茫茫萬里外山海孤蓬鬢



山田

山田高復低，湍水流還曲。牛背夕陽微，新秧映波綠。

福州雨後

青山淨於洗，過雨蟬初歇。一徑踏蒼厓，桃柳垂接葉。風微蘋末開，暑退荷衣潔。沿堤新水滿，潺潺鳴珮玦。誰家池上樓，紅蕉隔牆發。

食荔枝

也似東坡爲口忙，天南新得荔枝嘗。旋攀叢綠雲猶泣，乍擘輕紅手亦香。螺女江頭垂橄欖，亾諸坡上暗檳榔。客窗朝起涼於水，蔡譜先教仿數行。

福州寓齋懷邱玉卿

玉卿閩人宦江渚別後相思湖南浦謂到閩中或相見那  
知官程轉齟齬憶昨江渚天初秋風吹野水南山幽白舫  
青簾行玉竿烏絲紅袖寫銀鉤筦絃聲裏燒官燭日夜追  
歡猶未足賢豪聚首古所難時序催人今更促白入閩中  
幕府清多暇端憂愴幽獨簷外桐花亦已頽牆頭荔枝亦  
已熟此際榕城望上杭迢迢明月斷人腸乘風便泛重溟  
去縱有雙魚何處將

南臺聽雪堂上人彈琴

日氣射滄海萬山朝霧深凌晨叩禪悅筇興穿遙岑遠公  
出虎溪橫壁惟素琴久遲主方得晤移坐榕樹陰爲我撫  
玉轡仙風動璚琳門外海潮響和茲流水音引領望空碧

感余萬古心  
澹對絕思議  
誰爲去來今  
曲罷一蟬噪  
殘照在西林

渡海前一日觀劇口占

把酒休辭玉盞深  
扁舟明日海東潯  
吳兒一夜銷魂曲  
棖觸中原萬里心

渡海吟

海門一揚帆  
浩蕩不能止  
地維天軸乍低昂  
老魚屈強潛蚪起  
元氣頃刻風雨驚  
天外罔兩陰陽爭  
眼中誰辨路遐邇  
耳邊但聽擊雹轟  
雷聲義和騰御於  
朝潮之內顧菟委  
照於夕汐之外大  
千世界若浮空  
一髮中原定安在  
川后陽侯儵往忽  
來金支翠旗靈光  
洞開赤鱗白鳥前  
導而後

送天神欲降心徘徊忽將黯慘變瑤碧黑水之溝深似壘  
渾沌如遊遠古初元黃不辨乾坤色那須然犀更照耀颯  
颯陰風戰毛骨方知中外有分疆設險惟天界殊域我聞  
百川萬派清濁殊於廓靈海常委輸奔騰日夜不肯歇機  
關運轉如轆轤偷閒我欲問真宰問渠東去將何如

六月二十四夜海舟爲颶風所敗溺水獲援同人  
或以詩見示率爾裁答得四百字

我欲竊溟渤汗漫賦遠遊言附博望槎東向溯女牛親咸  
攔道哭朋好抵死畱揮手棄之去千喚不回頭獨爾爲絲  
綸珊瑚爲鈎鈎上春別江邑孟夏臨海陬望洋發長嘯豪  
氣橫齊州調吉揭百尺祭告羅珍羞九颿一以發

海舟之帆凡九

葉

千里爭轉眸礮礮走雷電倬倬飛驪駟那知中原遠始

覺乾坤浮束髮慕奇險積願今始酬苦樂古相倚快心必

多憂矧今履危地豈得常安流三日屑古米

姑米山亦名古米山琉球

屬島也

七日困逗遛十日颶母虐纜絕不可收是夜海雲黑

萬鬼聲颼颼陰風扇腥雨怒鯨鬪潛蚪洪濤排連山上下

相躡蹂巨艦觸礁石似曰以杵投頃刻胥及溺自斷今生

休珠燈起天末金光燦星旂若非神扶持全活可倖求

有時

神燈降於空中船得近岸

島夷亦來援破浪負我泅雷濕出海岸踉蹌

赴行郵赤腳綠鳥道披髮度荒邱生死不自識反喜偕同

儔夷官勤職事咄嗟命豆區頰面得煖湯饘粥還相賜驚

定默思維三界眞輕漚小年及大年晦朔與春秋康莊亦

摧輪坳堂亦覆舟壯夫七尺軀詎能老鋤耰海外博聞見  
絕勝封公侯生理儻無乖行住頗自由古米固竊島民愚  
俗未偷旣欣禾稼登李人以九月種稻四五况有林塘幽  
翼日轉晴霽碧海如潑油暮景獨散步鳴蟬綠陰稠何啻  
無魏晉浩然忘殷周

姑米山和友人韻兼呈周景垣全斗南兩冊使

豐草深林大海濱路迷眞到武陵津莫嫌荒島衣冠異且  
訪名花杖履頻螺璣今朝新釀酒鯨濤昨夜暫時人使星  
戀闕憑高望何處祥雲是 紫宸

治將有海外之行桐城姚姬傳書朱竹垞題汪舟  
次乘風破浪圖長句爲贈頃姑米被風行笥典籍

泉私所著述漂蕩盡矣暇日檢敝篋忽得姬傳此  
紙展對反復有懷其人

蛟涎龍跡何淋漓濤痕重沓堆亂絲開絨發篋涕漣洏故  
人臨別手所持去年共君住京師巷南巷北勤追隨一日  
三度無厭時愛君初不工臨池點黠意造生古姿余縮春  
蚓君不嗤斲碑古碣同搜披自許駝蛩靡改移豈圖轉眼  
成別離相思中外音書隔海水無情浮遠碧高樓何處哀  
箏急卽日遂良鬚鬢白

海外七夕

試問銀河路何如碧海遙有星臨分野

琉球爲女  
牛分野

無睡待

通宵性命爭蛟窟雲天限鵲橋支機何處訪玉露夜瀟瀟

長風閣立秋和全侍講韻

萬里橫槎鬢欲絲，感秋騎省曉吟遲。  
涼生天外扶桑葉，月到人間桂樹枝。  
蛟蜃有涎沾海氣，鴈鴻無路寄鄉思。  
遠行此際才蕭瑟，宋玉當年恐未知。

停雲樓聽杭州徐傅舟彈琴

八月南荒苦炎熱，徐君隔牆不相見。  
渴思相就慰離索，十日五日纔一面。  
撥書邀我同據牀，爲我撫絃動清商。  
一彈一抑天地靜，門前大海凝冷光。  
初爲梅花弄，衣袂襲芳潔。恍如置我深山中，流水斜暉立冰雪。  
續爲桐葉秋風吟，變衰搖落秋氣深。  
唧唧聲添砌蛩暮，騷騷響振巖樹陰。  
旅人經秋易華髮，那更天高秋海濶。  
中原相望不相聞，白露涼



波墮殘月徐君及我皆少年奔波性命絕可憐故鄉各有  
好山水湖雲江樹同清妍茲遊汗漫亦何謂奇絕得觀天  
外天一襲一笠雙蓬鬢且狎魚龍侶蚊虻誰從海外寄秋  
心乞君更奏思歸引

觀冊封禮成兼贈紫金大夫鄭秉哲

大瀛三島外小界九州東合香山蟠踞滄淪氣鬱葱有王  
稱守禮奉職最輸忠正朔滄波遠名藩辨岳雄葵曾重譯  
獻琛已百年通纘緒修侯服封章達帝聰璽書儀部發  
使命侍臣充秉節將天語揚帆駕海風迎恩冠蓋肅  
通館豆籩隆調吉開丹詔凌晨啓雪宮前驅黃繡繖後  
騎紫花驄周道平如砥連橋曲似虹街臨椰子碧牖出佛

桑紅處處垂朱箔家家結綺櫳拜瞻來父老噍笑聚兒童

次第穿雲磴迴翔轉錦幪建邦良已古喬木盡成叢鞏閣

聞銀漏

刻漏門

蛟涎滴石猱

瑞泉門

大廷宣

聖訓香案表臣

衷黃紙題緘鳳形墀序列鴻趨踰如對

闕舞蹈聽呼嵩

內殿開筵敞官厨辦膳豐錯惟酋長貢

三十六島之長歲貢方物悉以宴賓

鮮得獸人罾奔走俱膚敏盤殮逮僕僮

是日使臣僕役俱有宴歌徵

弦嘒嘒樂奏鼓逢逢簾捲山光秀窗延海色融杯行歡已

接火繼讌方終小相趨章甫儒臣倚鄭崇詩書鄒魯士鬚

鬢綺黃翁石鼓曾披薜金臺舊剪榛

采哲曾入國子監讀書

翩翩鸞

入掖噦噦鳥鳴桐君意勞傾蓋予慙類轉蓬鷄居厭鐘鼓

鸚鵡避樊籠汗漫身何託風塵面久蒙星槎隨幕府蠻語

學參戎雪暗孤鴻過天高一鶴翀乾坤青眼在山海碧雲  
空冷露馨巖桂清霜變岸楓相期攜酒榼還與遞詩筒一  
笑人間世交親氣概中

八月十五夜筍厓坐月有憶隔歲同朱子潁姚姬  
傳陶然亭之遊

海於天地物最鉅荒怪倣詭靡終窮有時駭水萬里激掀  
天振地飛驚淙黑雲壓空生晝晦杳冥上下迷西東今夕  
何夕風色靜纖塵不動波溶溶誰碾冰輪上碧落乍開塵  
匣懸青銅此間風景最殊勝如氍細草鋪蒙茸雲根獨據  
看秋影九州一氣蒼煙通生平一二賢雋士詩瓢酒榼到  
處同去年帝京今海外自傷踪跡眞旋蓬浮生離合豈

有定亦如海水遭天風故人儻間近消息汎乎不繫舟乘  
空

望山南王故城

明初琉球國分爲三曰中山曰山南曰山北永樂  
間中山王尙巴志并而一之山南王故城在高嶺  
黍離憫周宗銅仙辭漢京豈惟帝王州海外亦甲兵昔茲  
遘陽九禽荒啓鬪爭惟藩股肱郡薦食鼎足成山南及山  
北割裂何縱橫有明正龍躍飛檄通重瀛接踵納琛賚次  
第膺弁纓運移繁華謝代遠臺殿傾荒荒海日薄萋萋秋  
草平高木振哀響細路委斷荆舊邦會恢復竊據難兼并  
默觀倚伏理彌感古今情

安里橋古松歌

鬱滃彷彿垂天雲又如車蓋來繽紛老枝詰曲瘦蛟影霜  
皮剝蝕蒼龍鱗天高雲斂白月靜往往笙簫虛空聞球陽  
產松多秀逸依嶺緣岡蔚寒碧泉崎十里至王城千株萬  
株青黛色此株獨具干霄材羣樹兒孫儼羅立橋下霸江  
與海通暮潮激岸聲琤琮樹邊數息照孤影逝者晝夜靡  
有窮忽感前年風雨惡故山吹折十三松

吾鄉鶴林寺十  
三松壬申秋風  
雨拔去  
數株

九日泛舟遊奧山同周全兩侍講暨中山鄭秉哲  
大夫

松濤聲接海濤流九日球陽此泛舟隔水人家殘照遠際

天蜃氣斷雲秋蘇卿才調清如雪角里鬚眉老似蚪誰遣  
歌喉出空翠鄉心萬里暮悠悠

龍潭

寒潭徹底明細縠平於掌潭上立蒼崖海櫻高十丈

瑞泉

蛟涎橫素練佛乳鍾青壁漏閣晝無譁時共銅壺滴

瑞泉與刻

近瀾門

墟市

鬪鏤風枝軟芭蕉雨葉肥誰家十三女薄暮趁墟歸

萬松嶺

盤岡萬株松俱作龍鱗色松逕有行人盤輿隔深碧

圓覺寺題壁三首

野梅枯盡白蓮荒  
天女橋邊海色涼  
片片辭柯巖際葉  
被風都捲過迴廊

王家宮殿鎖雲深

寺有龍淵殿奉歷代先王木主

日暮輕烟罩薄陰  
松檜

乍疑雷雨響鐘魚  
齊作水龍吟

不借軍持逸興孤  
舍人詩句半模糊

壁間有前冊使林舍人盧廊雙不借靜案

一軍持之句

行藏老衲休相問  
萬里中原一釣徒

閏九日同全周兩冊使雨中登湧田崎欲遊城岳  
不果歸憇馮氏園小飲周詩先成卽次其韻二首

一雨秋林萬壑幽  
使星冠蓋美遨遊  
未妨公讌頻吹帽  
已分重溟不繫舟  
五字河梁蘇屬國  
經年書記阮陳留  
生平

不淺登臨興，霑濕還應到上頭。

殊方物候幾回新，猶白衣衫染庾塵。城岳忽迴金齒屐，藍田剛對玉山人。松筠密愛清陰遍，禮法疎緣懶性真。鴻跡醉餘從點點，他年誰爲拂紅巾。

筍崖月夜聽徐傳舟彈琴

大海無人處，月明生暗潮。孤琴時一奏，白露曖層霄。夜靜水逾澹，秋涼天更遙。鯨人如解聽，清淚濕冰綃。

遊東苑呈中山王

凌晨陪清遊，松逕轍初解。幽篁密蔽天，啓牖豁當海。雲水淡若空，島嶼沒還枉。階砌積茅茨，軒楹謝雕采。柴荆閒自開，魚鳥馴不駭。淳風域外存，古制賢王楷。攀林摘橘柚，緣



岫拾蘭茝零葉辭枝柯繁葩尙蓓蕾拂衣滄波深懷鄉時  
序改愧無枚叔材徒有相如猥徒倚望仙臺漁歌隔青靄

贈前法司蔡溫二首

法司通儒術能詩善書曾爲先國王傅今致仕仍  
領具志頭采地常備顧問

舊作長沙傅今尋辟穀方青松巢鶴老碧海掣鯨長賜第  
巖巒萃藏書玳瑁裘昨過通德里一徑踏篋簪

海外杼文獻三朝列上卿高雲歸岫早泉水在山清杯酒  
閒疏廣蒲車老伏生古人安可作對爾一含情

中山王席上贈首里翁盛卿翁允溫馬克禮毛文  
麟四公子二首

中山貴戚子弟皆習歌舞供奉王廷謂之若秀雲  
髮錦衣頗極纖麗四公子其尤也是日公譙國王  
命之行酒各出絹素索詩

驄馬烏衣白面郎塗脂傅粉學宮粧一雙秋水當筵轉銀  
燭千條別樣光

垂腰散髮嬋如雲白紵新聲白練褰歸到中天應記得瑯  
漱親向十洲聞

次日豐見城按司攜首里諸公子兒訪更索新詩  
再賦二首

一行金勒響瓊琚公子羣過水竹居巾髮也堪千萬直綺  
年多是十三餘將離更唱紅蘭曲相憶應看青李書鸚鵡

香醪斟酌遍不知涼月透交疏

那霸清江接海門每隨殘照望中原東風未與歸舟便北  
里空銷旅客魂盡夜華燈舞鸚鵡三秋荒島狎鯨鯢他時  
若話悲歡事衣上濤痕並酒痕

全侍講招同徐傳舟倪卷阿馮象泉張正其會飲  
十月球陽葉初落新寒天氣宜尊勻况是黃花裛佳色暫  
拋羈思恣譴謔繁絃急管錯雜陳殊方之樂殊感人觥籌  
往復爵無算淋漓酣適忘主賓酒闌曲罷沉清漏徐君拂  
琴終雅奏太音一洗箏笛繁露草空庭耿星宿

遊興禪寺

古寺人過少木樨香正清林深畱鳥宿石瘦著苔生微聽

遠潮響兼之落葉聲汲泉烹未熟澹日上西楹

善興寺晨起

九點齊州望眼賒夜來驟雨北風斜重衾畏冷朝慵起臥聽雛僧掃落花

善興寺雨夜向全侍講索酒

櫻桃零落不成香晚食攤書臥竹牀行跡祇依黃葉寺蘇州好爲一瓢將

向法司招遊辨岳歸讌今歸仁王叔宅

馬蹄曉破蒼厓青主人半道歡相迎停鞭席地少斟酌把袖便挈穿林行王城佳氣萃辨岳國王望祀侔嵩衡因知天外足姦怪不然神柄胡崢嶸我來登囑吁可怕孤巒面

面臨滄溟忽如身世失依倚赤腳獨踏金背鯨乾端坤倪

豁披露日領其妙心難名白髭王叔紅錦巾

王叔紅錦巾按司紫錦巾

法司及紫金大夫紫綾巾三品以下黃綾巾七品至秀才紅綾巾庶人以青絹巾首而已不冠也

清酒絲

繩提玉瓶更邀轉轡向私第捫蘿撥翠開園亭園亭松柏

遮疏櫺榕門半啓竹牖扇異花雜樹紛莫辨但覺魂魄沾

芳馨晚來設宴張銀屏妙舞青縣樂未停羣公莫惜醉復

醒客踪宦跡俱流萍九州之外得國土亦有侯伯君公卿

練褰公子况相識

謂玉城公子翁允溫具九真公子翁盛卿幸地公子馬克禮美里公子毛文燁

笑麝如花勸醪醕將母夢遊入玉清欵洽髣髴如平生海

山奇秀景慌惚料應此世難再經恨無羽翼凌蓬瀛搔首

五見蟾蜍盈賓酬主獻極酣暢中原回首難爲情

虎巖行爲今歸仁王子作

王叔尙廷烈封於今歸仁號今歸仁王子

虎巖青海水碧深礪晨行虎有跡榕門戍削引孤岑怪石  
蒼松作人立層巔直下俯洪波龍臥蛟蟠物色多佛家眞  
現琉璃界仙子休誇清淺河王子於斯傲華屋森爽朝朝  
看不足况有幽花亞曲廊檀欒脩竹映虛堂綠煙欲滅垂  
闕鏤樹名紅日初生開佛桑我聞屋書襲爵年冲幼球人呼其國王

爲屋書那志

王子保衡勛績茂鹽梅故吏三法司春柳門生千

若秀負展不受外嫌猜額俊乘羅眾薪樵親爲叔父貴相  
臣剖符大邑今歸仁廟算周詳得閒暇錦袍烏帽於此融  
心神海檣野客人所笑重衣衣結奈遊眺獨把珊瑚之釣

竿萬里滄洲一長嘯多君頻召攀雲巒正如爬疥諧夙歡

牽衣固請畱筆跡

王叔求余大書虎巖字摩巖刻之

爲君飛灑臨高寒高

寒卻望潮生處三十六島星辰布姑米馬齒當我前微茫  
略辨來時路夜深更醉白玉觴不覺鄉心屢西顧

### 迢迢

迢迢碧海送歸程唱到陽關第四聲好是夜涼人薄醉月  
明如晝撥銀箏

### 王孫曲贈向文彥國王之尚姓也

王孫亭亭似瓊樹瑜珥瑤環佩寶璐華胄天孫千百年

山中

王始祖  
天孫氏

猗蘭奕葉含清露賢王開宴延嘉賓宗臣子弟舞

羅巾綺紈隊裏行雲過絃索聲中白雪春王孫少小諳音

律一曲梁塵有誰匹絳口應羞北地脂紅顏正似東方日

首里

地名長虹橋

迤邐通金鞍珠勒玉花驄到處看人如堵

壁誰家嬌女笑書空殷勤就我求奇字螺瑤香醪銀燭膩

憐才情性是天生不惜歌喉勸沈醉王孫翰墨有深緣國

書懸腕揮雲烟

琉球國書如中國草隸而其文多不可識王孫頗善之

蛟龍滿紙我

不識但覺體類芝與顛匆匆無柰歸期近未得微辭酬雅

韻瑤天一碧駕飛艤瀛海三山但朝暈從此相思更九州

世中世外兩悠悠邯鄲一夜遊仙夢往事都隨逝水流

夢樓詩集卷二終